

«ՖԻԶԻԿԱԿԱՆ ԱՆՁԱՆՑ ԲԱՆԿԱՅԻՆ ԱՎԱՆԴՆԵՐԻ ՀԱՏՈՒՑՈՒՄԸ
ԵՐԱՇԽԱՎՈՐԵԼՈՒ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ
ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՕՐԵՆՔԻ ՆԱԽԱԳԾԻ ՎԵՐԱԲԵՐՅԱԼ (Պ-582-20.04.2020-ՖՎ-011/0) ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ԱՌԱՋԱՐԿՈՒԹՅՈՒՆԸ

«Ֆիզիկական անձանց բանկային ավանդների հատուցումը երաշխավորելու մասին»
Հայաստանի Հանրապետության օրենքում փոփոխություններ կատարելու մասին» Հայաստանի
Հանրապետության օրենքի նախագծով առաջարկվում է փոփոխել «Ֆիզիկական անձանց
բանկային ավանդների հատուցումը երաշխավորելու մասին» Հայաստանի Հանրապետության
օրենքով երաշխավորված բանկային ավանդների հատուցման սահմանաչափերը՝ դրամային
ավանդների փոխհատուցման սահմանաչափը տասը միլիոն դրամի փոխարեն սահմանելով
տասնվեց միլիոն դրամ, իսկ արտարժույթային ավանդների փոխհատուցման սահմանաչափը՝
հինգ միլիոն դրամի փոխարեն՝ յոթ միլիոն դրամ:

Հայաստանի Հանրապետության կառավարությունը «Ֆիզիկական անձանց բանկային
ավանդների հատուցումը երաշխավորելու մասին» Հայաստանի Հանրապետության օրենքում
փոփոխություններ կատարելու մասին» Հայաստանի Հանրապետության օրենքի նախագծի
վերաբերյալ առաջարկություններ չունի: